

Naslov
Fondacija CURE
Izvještaj 2019.

Izdavačice
Fondacija CURE

Urednica
Medina Mujić

Lektura
Enida Čamđić

Prelom
Tanja Ćurić

Štampa
Cober d.o.o.

Tiraž
200

SADRŽAJ

UVOD

- Misija Fondacije CURE
- Vizija Fondacije CURE
- Identitet Fondacije CURE

PROJEKTI

- Rodno uvjetovano nasilje:
- Pogled iz drugog ugla – Nasilje u vezama mladih
- Ženska prava – Agenda za pozitivne promjene
- Feminističke zalagačke politike u Bosni i Hercegovini
- Mapiranje jednoroditeljskih zajednica i njihovih prava u općini Centar
- The Time is Now
- XIV PitchWise festival ženske umjetnosti i aktivizma u BiH
- Ženska mreža BiH
- Omaž BiH ženama od značaja i njihovim dostignućima
- Globalna kampanja 16 dana aktivizma protiv rodno zasnovanog nasilja i ulične akcije

CURE PARTNERSTVA

- Inicijativa za afirmativne izmjene i dopune udžbeničkog sadržaja u srednjim školama u Kantonu Sarajevo
- Inicijativa „Građanke za ustavne promjene“
- Mir sa ženskim licem
- ŽENSKI SUD ...

MREŽE U KOJIMA JE FONDACIJA CURE AKTIVNA

Mreža za izgradnju mira

OSTALE AKTIVNOSTI FONDACIJE CURE

Pasta i Pita Mira

8. MART

CURE PODRŠKA

CURE PUBLIKACIJE I ISTRAŽIVANJA

NAGRADE I PRIZNANJA

MEDIJSKA VIDLJIVOST

MEĐUNARODNI IZVJEŠTAJI

DONATORKE I DONATORI

FONDACIJA CURE IZVJEŠTAJ ZA 2019. GODINU

UVOD

Osnovana 2005. godine, Fondacija CURE (CURE) je feminističko-aktivistička organizacija koja djeluje za jednakost spolova i rodova zalažući se za pozitivne društvene promjene putem obrazovnih, umjetničko-kulturnih, istraživačkih i zalagačkih programa. Organizujući afirmativne akcije, CURE slave snagu i moć žena, te rade na osnaživanju žena i djevojčica i drugih rodno senzitivnih osoba kako bi postali/e pokretači/ce društvenih promjena u BiH i svijetu. Feministički aktivizam je omogućio siguran prostor u kojem su žene jake, neustrašive, sposobne i ujedinjene u svim svojim različitostima. CURE je organizacija aktivistkinja/a, profesionalki/aca i volonterki/a koje/i izlaze na ulice u znak javnog protesta protiv nasilja, diskriminacije, kršenja zakona, ženskih prava i osnovnih ljudskih prava, organizuju performanse protiv nasilja, pozivaju umjetnice/ke, naučnice/ke, edukatorice/re, aktivistkinje/te, građanke/e, predstavnice/ke marginalizovanih i ranjivih skupina na akciju i konkretan lični doprinos za kreiranje boljeg i zdravijeg bosanskohercegovačkog društva, te kroz različite zagovaračke mehanizme utiću na kreiranje javnih politika socijalne pravde i najviših standarda poštivanja ljudskih prava.

Doprinoseći stvaranju i razvoju solidarnog i inkluzivnog ženskog pokreta u Bosni i Hercegovini i svijetu, CURE su nositeljice društvenih promjena kojim se poboljšava status žena i djevojčica, te marginalizovanih društvenih skupina, čime žene postaju ravnopravne i aktivno učestvuju u donošenju i provođenju odluka.

Tim trenutno okuplja deset snažnih žena različitih dobnih, nacionalnih, profesionalnih, aktivističkih i interesnih profila, okupljenih oko zajedničke misije i vizije, ali i sa snažnim ličnim stavom o prioritetnim aspektima djelovanja Fondacije CURE, te o najvažnijim društvenim

temama kojim se CURE bave i kojim bi se trebale baviti.

Fondacija CURE podržava članice svoga tima u dalnjem razvoju njihovih ličnih kompetencija i interesa.

U proteklom periodu, pojedine članice CURE tima su za svoj rad i društveni angažman dobile međunarodne i državne nagrade

Misija Fondacije CURE

Fondacija CURE radi na podršci, jačanju kapaciteta i kreiranju sigurnog okruženja za novu generaciju aktivistkinja i feministkinja, za njihovo odgovorno i aktivno učešće u pozitivnim društvenim promjenama kroz:

- Edukativne programe;
- Istraživanja, analize i javno zagovaranje;
- Lokalna i regionalna umrežavanja;
- Angažovanu umjetnost i aktivizam;
- Izgradnju inkluzivnog i održivog ženskog pokreta.

Vizija Fondacije CURE

Fondacija CURE zalaže se za jednakost i ravnopravnost žena i djevojčica u Bosni i Hercegovini, posebno onih iz društveno marginalizovanih skupina, za društvo bez patrijarhalnih normi u kojem se ne toleriše nasilje i diskriminacija i gdje su žene prepoznate kao odgovorne pokretačice i nositeljice pozitivnih društvenih promjena te ravnopravno donose odluke u društvu.

Identitet Fondacije CURE

CURE su feministička, antimilitaristička i antifašistička organizacija koja se primarno identificira i opredjeljuje kao feministička organizacija, prihvatajući multiplicitet feminizma i svih tema od važnosti za daljnji razvoj rodne ravnopravnosti u društvu i smatrajući se motorom promjene koji doprinosi snažnijem razvoju ženskog pokreta u Bosni i Hercegovini. Fondacija CURE insistira na uključivanju višestruko marginalizovanih žena – Romkinja, žena i djevojčica s invaliditetom, roditeljki djeca s invaliditetom, žena iz malih ruralnih zajednica, lezbejki, biseksualnih i trans žena (LBT), samostalnih roditeljki, žena treće dobi, žena koje su preživjele nasilje i drugih društveno ranjivih kategorija, te zagovara za njihovo uključivanje, na ravnopravnim osnovama, u sve društvene tokove, i naročito, na mesta gdje se donose odluke.

Svoju ključnu ulogu Fondacija CURE prepoznaće upravo u okrenutosti ka ženskom pokretu u nastanku, dok trenutno, kroz različite projekte javnog zastupanja i zagovaranja, učestvuje u stvaranju sigurnog i pozitivnog okruženja za feminizam i aktivizam. Promovišući kulturu nenasilja i antidiskriminacije, Fondacija CURE insistira na vidljivosti žene i njene uloge u društvu kroz javnost rada, ulični aktivizam i angažovanu umjetnost, te na promociji ženske i feminističke perspektive vezane za sva društveno – politička pitanja.

Kombinujući otvoreni aktivizam, saradnju s institucijama i umrežavanje u BiH i u regiji, Fondacija CURE svojim aktivnostima obuhvata širok spektar ciljnih grupa i veliki dio javnosti. Ključ uspjeha leži u kombinovanju ovih različitih pristupa, kao i u spremnosti tima Fondacije CURE da se dodatno razvija u profesionalnu organizaciju koja će moći da odgovori na izazove u društvu.

U nizu aktivnosti i programa koje Fondacija CURE provodi, postoje tri koja su prepoznatljivo vezana za sam identitet organizacije i okosnica su budućih programa i aktivnosti, kako zbog

svoje programske, tako i zbog simboličke vrijednosti i činjenice da su potpuno otvorenog, inkluzivnog karaktera i omogućavaju učešće svih koji doprinose razvoju ženskog pokreta i feminističke misli u Bosni i Hercegovini:

PitchWise Festival ženske umjetnosti i aktivizma u BiH koji se od 2006. organizuje jednom godišnje, postao je zaštitni znak Fondacije CURE kao jedinstven feministički međunarodni događaj koji objedinjuje aktivizam i angažovanu umjetnost. Festival je nastao iz ideje da se "osvoje" zapušteni javni prostori i transformišu u mjesto koje okuplja umjetnice uključene u rješavanje različitih društvenih problema, aktivistkinje, naučnice, feministkinje i sve druge zainteresovane za pitanja položaja žena u BiH i regiji. Kao važan društveni događaj u Bosni i Hercegovini, PitchWise su prepoznali i ostali društveno-ekonomski akteri i kao takav je brendiran.



Osmomartovski marš

Fondacija CURE tradicionalno organizuje i predvodi Osmomartovski marš u Sarajevu, povodom sjećanja na početke ženskog pokreta i s ciljem skretanja pažnje javnosti na problem rodne neravnopravnosti u Bosni i Hercegovini. Svake godine Fondacija CURE poziva i predstavnike/ce marginalizovanih grupa, radnice,učenike/ice, studente/kinje, žene treće dobi, predstavnice institucija, akademske zajednice, predstavnike/ce medija, te građane/ke da se pridruže maršu.



Ženska mreža BiH



U prvoj polovini 2009. godine, Fondacija CURE je pokrenula inicijativu za formiranje Ženske mreže BiH (ŽMBiH). Ženska mreža BiH (ŽMBiH) zvanično je osnovana i počela je s radom 12. septembra 2009. godine na konferenciji pod istim nazivom, u sklopu četvrtog PitchWise festivala ženske umjetnosti i aktivizma u BiH. Ženska mreža BiH neformalna je grupa koja danas okuplja preko 55 organizacija civilnog društva, pojedinki i pojedinaca koje i koji zastupaju i bave se ženskim pravima i podsticanjem rodne ravnopravnosti, te promoviše antidiskriminaciju, slobodu odlučivanja, jednakost, nenasilje i antimilitarizam, uz prihvatanje feminističkih vrijednosti dјelovanja – mira, solidarnosti, povjerenja, zajedništva, jednakosti i različitosti.

Fondacija CURE definiše sljedeće ključne vrijednosti u kontekstu rada i funkcionisanja Fondacije, te u građenju i osnaživanju ženskog pokreta u BiH:

- Solidarnost među ženama;
- Međugeneracijska solidarnost i prenos znanja;
- Osnaživanje žena, posebno društveno marginalizovanih ženskih grupa;
- Inovativnost u radu i pristupu;
- Transparentnost unutar tima i spram drugih;
- Ideološki integritet;
- Okrenutost ka identitetima, potrebama i snovima žena i djevojčica;
- Aktivizam kao način uticaja na pozitivne društvene promjene;
- Kreiranje sigurnog prostora za žene i djevojčice;
- Dosljednost u radu te posvećenost ostvarivanju socijalne pravde.

Ovom prilikom tim Fondacije CURE želi se svima zahvaliti na saradnji, podršci i solidarnosti.

Tim Fondacije CURE: Jadranka, Vedrana, Stela, Denija, Sanda, Tanja, Selma, Vildana, Ajna, Medina, Saša R.

Podržavateljice/i i saradnice/i Fondacije CURE: Safija, Saša K., Tatjana, Asmir, Tamara, Milica, Nina, Jade, Sabina i Goran

Članice Upravnog odbora: Zlatiborka, Kristina, Berina M., Berina Dž., Ana

PROJEKTI FONDACIJE CURE

Rodno uvjetovano nasilje: Pogled iz drugog ugla – Nasilje u vezama mladih

Kroz ovaj dugogodišnji projekat, Fondacija CURE fokusira se na osnaživanje mlađih žena i djevojaka u smislu jačanja njihovih kapaciteta u oblasti ženskih prava kako bi doprinijele zaustavljanju rodno zasnovanog nasilja. U 2019. godini direktno smo sarađivale sa 779 osoba putem radionica, sastanaka sa predstavnicima/ama institucija, performansa, radionica sa srednjoškolcima/kama, treninga za trenerice (FEM kamp), sastanaka sa volonterkama, uličnih akcija itd. direktno sarađivale sa 779 osoba. Tokom radionica i seminara intenzivno smo radile sa 31 mlađom ženom iz BiH. Osim Treninga za trenerice, mlađe aktivistkinje koje su prisustvovalе treningu održale su jednodnevne treninge u svojim lokalnim zajednicama u Srebreniku, Banjaluci i Zenici.



Ženska prava - Agenda za pozitivne promjene u Bosni i Hercegovini dvogodišnji je projekat Fondacije CURE i Fondacije za osnaživanje žena (FWE) kojeg finansira Evropska unija. Tokom realizacije projekta (2019. - 2020.) radimo sa 10 ženskih organizacija. U 2019. godini sarađivale smo sa pet ženskih organizacija (Viktorija sa Pala, Udruženje građanki (žena) Grahovo iz Bosanskog Grahova, Romkinja iz Bijeljine, Romani Čej iz Prnjavora i lobistička grupa u Udruženju Horizonti iz Tuzle).

U 2019. godini CURE i FWE su sarađivale sa više od 234 učesnika/ca u projektu i to: pet organizacija čiji fokus djelovanja su marginalizovane i manjinske grupe žena, 148 braniteljica ženskih prava (žene s invaliditetom, romske nacionalne i etničke manjine, žene koje su preživjele ratne torture i rodno uvjetovano nasilje, LGBT i žene iz ruralnih područja), 26 članica nevladinih ženskih organizacija iz BiH i 14 članica drugih nevladinih organizacija i 64 predstavnika/ca nadležnih institucija. Realizovale smo 20 radionica, pet okruglih stolova, jednu konferenciju i 11 press konferencijsa.



Feminističke zalagačke politike u Bosni i Hercegovini je projekat koji podržava švedska feministička fondacija Kvinna till Kvinna i ima za cilj osnaživanje aktivistkinja za ženska prava i njihovo uključivanje u procese donošenja odluka, naročito onih koje se donose na lokalnom nivou i tiču se društveno marginalizovanih žena. U okviru Projekta održana su #2 zagalačka okrugla stola i radionice na kojima je prisustvovalo #55 osoba i objavljena su #2 zalagačka teksta u online verziji. Svi dokumenti su dostupni na našim web portalima.



ANALIZA AKTUELNIH PROPISA I PRAKSI U FBiH U VEZI S EKONOMSKIM OSNAŽIVANJEM ŽENAKOJE SU PREŽIVJELE PORODIČNO NASILJE I PREPORUKE ZA NJIHOVO POBOLJŠANJE

Jasmina Čaušević i Maida Zagorac

Istraživanja, autorica Maida Zagorac izradila je Akcioni zagovarački plan u oblasti ekonomskog osnaživanja žena pripadnica marginalizovanih grupa s posebnim fokusom na žene koje su preživjele porodično nasilje u Federaciji BiH za period 2020.- 2024. Navedene aktivnosti predstavljene su na konferenciji za medije u 2019. godini.

Mapiranje jednoroditeljskih zajednica i njihovih prava u općini Centar

je projekat jačanja položaja društveno marginalizovanih žena u našem društvu koji je podržala općina Centar Sarajevo. Projekat ima za cilj pružiti analizu zakonske regulative, objektivnog stanja i potreba jednoroditeljskih zajednica u i dati preporuke lokalnim organima za definisanje takvih politika kojim bi se unaprijedio položaj ove kategorije.

jedno roditeljske porodice



The Time is Now

Fondacija CURE, u sklopu projekta "The Time is Now" kojeg finansira Evropska unija, kao jednu od aktivnosti organizuje predavanje na temu roditeljstva i lezbejki, gej, biseksualnih, trans i interspolarnih (LGBTI) osoba. Osnovni cilj predavanja je kreiranje prostora za sticanje novih i povećanje postojećih znanja prisutnih na temu LGBTI osoba i roditeljske uloge, uzimajući u obzir malu količinu informacija i znanja koje se plasiraju kada se govori o ovoj tematiki. Fondacija CURE, u cilju obilježavanja Međunarodnog dana borbe protiv homofobije i transfobije, kao jednu od aktivnosti organizovala je i predavanje na temu slikarstva i LGBTI kulture kroz historiju i danas.



PROJEKT
FINANSIRA
EVROPSKA
UNIJA



THE TIME
IS NOW
Slikarstvo i LGBTI kultura

PROJEKT
IMPLEMENTIRANA




XIV PitchWise festival ženske umjetnosti i aktivizma u BiH

Fondacija CURE organizovala je četrnaesti po redu PitchWise festival ženske umjetnosti i aktivizma kroz feminističku teoriju i praksi u periodu od 12. – 14. septembra 2019. godine u Sarajevu. Ponosne smo što smo ove godine ugostile oko 500 osoba kako iz lokalne zajednice, tako i iz cijele regije zapadnog Balkana. U okviru ovogodišnjeg programa predstavilo nam se oko 70 umjetnica, teoretičarki, aktivistkinja i žena koje su svojim djelovanjem pružile otpor neravnopravnom tretmanu. Učesnice, umjetnice i izlagačice na PW su došle iz Bosne i Hercegovine, Srbije, Hrvatske, Crne Gore, Slovenije, Austrije, Italije, SAD-a, Egipta kao i iz drugih zemalja i kontinenata. Centralna tema četrnaestog PitchWise festivala bila je „Žene u otporu – Pobuna druge polovice!“.



Ženska mreža BiH

Ženska mreža BiH je u 2019. godini obilježila 10 godina rada i zalaganja za unaprjeđenje ženskih prava u Bosni i Hercegovini. Prigodnom konferencijom koja je održana u decembru 2019.godine analizirale smo svoj učinak i usaglasile temelje za izradu Manifesta Ženske mreže BiH. Naš web portal www.zenskamreza.ba predstavlja jedinstvenu platformu za zalaganje za unaprjeđenje položaja najranjivijih kategorija žena u bosanskohercegovačkom društvu



**WOMEN'S NETWORK
BOSNIA AND HERZEGOVINA
PEACE WITH A WOMAN'S FACE**

**www.zenskamreza.ba
ALL VISIBLE - ALL EQUAL**

Omaž BiH ženama od značaja i njihovim dostignućima



Omaž BiH ženama od značaja i njihovim dostignućima

Laura Papo Bohoreta
Ševela Zildžić-Ibilzović
Smilja Mučlibabić
Vera Šnajder
Iva Despić-Simonović
Marian Wenzel
Mica Todorović
Nada Milić
Nafija Saralić
Radoljka Lakić
Razija Handžić
Staka Skenderova
Vera Obrenović-Delibabić

Fondacija CURE u saradnji sa Udruženjem TAKO realizovala je projekat Omaž BiH ženama od značaja i njihovim dostignućima. Cilj projekta je bio da na inovativan način prikaže žene koje su svojim radom, naučnim i kulturnim dostignućima doprinijele razvitu bh. društva. Cilj je ostvaren u potpunosti jer je projekt rezultirao sa online biografijama 13 naučnica i kulturnih djelatnica sa područja Sarajeva, te su izrađene spomen ploče, odnosno dva mozaična reljefa i mobilna aplikacija. U izradi mozaika učestvovalo je 10 učenika/ca Druge gimnazije Sarajevo, te su tom prilikom na jedinstven i kreativan način obogatili svoje znanje i vještine. Besplatna mobilna aplikacija sadrži biografije kao i mapu lokacija gdje su ove žene živjele i stvarale. Ona, zajedno sa mozaicima, predstavlja proizvod koji će promovirati žensko kulturno nasljeđe i unaprijediti kvalitet turističke ponude Sarajeva.

Globalna kampanja 16 dana aktivizma protiv rodno zasnovanog nasilja i ulične akcije

CURE već godinama organizuju aktivnosti u sklopu kampanje 16 dana aktivizma. Poseban fokus stavljamo i na online kampanje na društvenim mrežama. Kako se 25. novembar obilježava kao Međunarodni dan u borbi protiv nasilja nad ženama i djevojčicama, u 2019. godini organizovale smo uličnu akciju i najavile početak kampanje, te obilježile ovaj #narandžasti dan uz poruku da mi aktivistkinje, feministkinje i braniteljice ženskih ljudskih prava ne podržavamo nasilje i želimo NULTU toleranciju na sve oblike nasilja koje se dešava protiv žena i djevojčica. Ukažale smo i na problem prisutnosti femicida u Bosni i Hercegovini – u 2018. godini ubijeno je osam žena i djevojčica! Obično je nasilnik član njene porodice ili neko koga ona poznaje.

Tema globalne kampanje 16 dana aktivizma na svjetskom nivou bila je: “**Zaustavimo rodno zasnovano nasilje u svijetu rada!**”. Cilj kampanje je nastavak identifikovanja institucija u kojima je zastupljeno rodno zasnovano nasilje, te vršenje pritiska na njih radi uvođenja sistemskih promjena. U BiH, žene nemaju zvanične podatke o tome da li su manje ili isto plaćene od muškaraca za isti posao (zadnji podaci datiraju iz 2006. godine). Takođe, suočene sa problemom nezaposlenosti. Nemaju pristupa povjerljivom i sigurnom sistemu podnošenja žalbi u vezi s diskriminacijom na osnovu spola ili seksualnim uzinemiravanjem na radnom mjestu. Nadalje, u BiH nije uspostavljen sistem zaštite prava žena koje koriste porodilijsko odsustvo niti je unaprijeđena zaštita prava na naknade tokom porodilijskog odsustva. Opće mjere štednje ne uzimaju u obzir položaj i prava žena koje nose ekonomiju brige i direktno prebacuju teret pronatalitetnih politika na žene.

Život bez nasilja i diskriminacije je pravo i obaveza svih nas! #16danaaktivizma


CURE PARTNERSTVA

Inicijativa za afirmativne izmjene i dopune udžbeničkog sadržaja u srednjim školama u Kantonu Sarajevo

U 2019. godini organizovale smo sastanke sa članovima/icama ove inicijative (Fondacija CURE, Krila nade, Sarajevski otvoreni centar i Udruženje INFOHOUSE), kako bismo radili/e na poboljšanju i reviziji obrazovanja u cilju promovisanja rodne i spolne ravnopravnosti, izmjeni diskriminatornog sadržaja i sadržaja koji u sebi sadrži materijal za stvaranje predrasuda, te radi kreiranja inkluzivnog sadržaja o svim marginalizovanim grupama koje se nalaze u bh. društву. Izdvajamo sastanak sa Udruženjem Prava za sve s kojima smo potpisale sporazum o saradnji koji podrazumijeva aktivno zagovaranje i kreiranje politika za izradu udžbenika koji će promovisati ravnopravnost i iz kojih će biti uklonjeni stereotipi i diskriminatorne rečenice koji se trenutno nalaze u udžbeničkom sadržaju. Tokom 2019. godine upućena je i jedna javna reakcija u ime Inicijative u okviru koje se jedan roditelj žalio na sadržaj udžbenika u srednjim školama i na kontroverzne rečenice koje se nalaze u udžbeniku.



Inicijativa “Građanke za ustavne promjene”



Fondacija CURE je od 2014. godine aktivna članica Inicijative “Građanke za ustavne promjene” putem koje se zalaže za procese ustavnih reformi iz rodne perspektive. U periodu od januara do oktobra 2019. godine u okviru Inicijative organizovana je i realizovana 21 aktivnost u skladu s Akcionim planom za period 2018-2019. godine: #6 sastanaka sa relevantnim institucijama i predstavnicima/cama političkih partija, ulične akcije, #2 prezentacije Inicijative na radionicama, panel diskusija, #3 intervjuja za blog Inicijative, a u saradnji s radiom Slobodna Evropa urađena su #2 dva teksta/radio priloga i #2 radio emisije na temu ustavne problematike. U saradnji sa drugim organizacijama i mrežama učestovale smo u organizaciji Osmog Marša u Banjaluci, Sedmice mira i ženske solidarnosti i BLASFEM-a. Pored ovih aktivnosti, održana je i Skupština Inicijative na kojoj je izabran novi Koordinacioni odbor. Fondacija CURE je partnerska organizacija s Helsinškim parlamentom građana Banja Luka u sklopu projekta “Orodnjavanje ustavnih promjena” koji finansijski podržava Kvinna Till Kvinna.

Mir s ženskim licem

Fondacija CURE je u okviru Inicijative "Mir sa ženskim licem" organizovala podjelu promotivnih materijala povodom obilježavanja neformalnog Dana sjećanja na žene stradale u ratu, u ponедјeljak, 09.12.2018. godine. Materijale smo djelile ispred Vijećnice i u Vijećnici i to na javnoj prezentaciji "Ženski sud – feministički pristup pravdi" koju su organizovale Žene u Crnom u saradnji sa Fondacijom CURE. Danom sjećanja na stradanje žena u ratu u BiH želimo da doprinesemo suočavanju s prošlošću i dostizanju pravde. Hoćemo da naše društvo pamti koliko su žene Bosne i Hercegovine tokom rata od 1992. - 1995. godine doprinijele opstanku svojih porodica i zajednica i koliko su bile izložene različitim oblicima tortura i stradanja.



ŽENSKI SUD

09.12.2019. godine Žene u Crnom, Fondacija CURE, Grad Sarajevo i Filozofski fakultet u Sarajevu organizovale su javnu prezentaciju "Ženski sud - feministički pristup pravdi" gdje je o važnosti kulture sjećanja žena govorila doc.dr. Jelena Gaković (Filozofski fakultet, Sarajevo). Prisutnim su se obratile i članice Organizacionog odbora Ženskog suda: Staša Zajović, Mira Vilušić i Jadranka Miličević, te pojasnile šta predstavlja Ženski sud i historiju procesa njegovog organizovanja.



MREŽE U KOJIMA JE FONDACIJA CURE AKTIVNA

Mreža za izgradnju mira je osnovana u februaru 2010. godine. Radi na obnovi kvalitete društvenog i ekonomskog života u BiH, kao i na dugoročnom povećanju sposobnosti cijelog bh. društva da se nosi s različitostima i sukobima na konstruktivan i nenasilan način, te time stvara okvir za zajedničko, koordinisano djelovanje niza nevladinih organizacija, lokalne uprave i samouprave, poslovnog sektora, medija i državnih institucija. Fondacija CURE je aktivna članica Mreže i članica Upravnog odbora Mreže.

Fondacija CURE je od 2015. godine članica bosanskohercegovačke mreže Anna Lindh Fondacije koja je članica međunarodne ALF. U 2019. godini održan je godišnji sastanak na kojem je sumiran rad mreže u proteklih deset godina postojanja, podijeljena iskustva te isplanirale aktivnosti za naredni period kao i učestvovanje mreže na međunarodnim događajima. Fokus je stavljen na procjenu rada i mapiranju članica.



Fotografija preuzeta od "Akademija za žene"

OSTALE AKTIVNOSTI FONDACIJE CURE



Pasta i Pita Mira je naš mali inspirativni program ženske solidarnosti i aktivizma koji je ovaj put održan u junu u Italiji uz učešće aktivistkinja iz Konjević Polja, Zenice, Sarajeva i Konjica.

Zajedno sa našim talijanskim partnerima posjetile smo socijalne kooperative u Reggio Emilii, učestvovali u javnim diskusijama o posljedicama rata i izgradnji mira, družile se sa lokalnim aktivistkinjama i aktivistima – i jednostavno uživale.

Svoju ulogu u procesu Sjećanja i podrške preživjelim rata i ratnog nasilja iskazujemo i kroz pružanje podrške učesnicama i učesnicima Marša Mira 2019. u saradnji sa Udruženjem žena JADAR iz Konjević Polja na lokaciji Mravinjac/Konjević Polje u mjesecu julu.

PITA E PASTA DI PACE
#strongertogether



8. MART

Fondacija CURE je i ove godine organizovala aktivističku šetnju/marš povodom 8. marta – 110-og Međunarodnog dana žena. Na maršu je učestvovalo oko 100 aktivista/kinja, predstavnika/ca formalnih i neformalnih grupa i organizacija, te članova/ca Ženske mreže BiH. Poruka koju smo prenijele glasi “Umrežene – Solidarne – Jake” i ona znači da ponosno koračamo za sebe i sve naše prijateljice i sestre iz prošlosti, sadašnjosti i budućnosti. Takođe smo poslale poruku da se zajedno suprotstavljamo opresivnim tradicionalnim politikama, fašizmu, klerofašizmu, radikalizmu, nacionalizmu i patrijarhatu, odnosno da se suprotstavljamo svim oblicima nasilja – jer za nasilje – NIKADA NEMA OPRAVDANJA!



CURE PODRŠKA

U 2019. godini učestvovalo smo na Festivalu ženskog prijateljstva pod sloganom “**POBUNA JE ŽENSKA**” kojeg organizuje naša sestrinska organizacija Impuls u Tutinu. Tri dana Festivala obilježila su brojna predavanja, radionice, pozorišne predstave i druženja aktivistkinja iz četiri zemlje regiona. Članice Fondacije CURE su aktivno učestvovalo u programu i na panelima. Međutim, ovaj događaj ostaće upamćen i zbog ozbiljnog ugrožavanja sigurnosti i ljudskih prava učesnica drugog dana manifestacije, tokom javnog performansa protiv nasilja nad ženama na gradskom Trgu. Na našem web portalu možete naći saopštenje povodom toga.

Prisustvovalo smo i VI festivalu feminističkog aktivizma i umjetnosti **ArtFemine** u Nišu (Srbija) kojeg organizuje Centar za Devojke Niš i govorile na panelu “Umjetnost kao aktivizam, aktivizam kao umjetnost“.

Aktivistkinje Fondacije CURE prisustvovalo su i desetom po redu festivalu feminističke kulture i akcije sa temom “BeFem 10.0, svaki put kao da je prvi!”



CURE PUBLIKACIJE I ISTRAŽIVANJA

Publikacije koje će biti predstavljene u nastavku su dostupne online na stranici Fondacije CURE:
www.fondacijacure.org.

“Kroz ekonomsku stabilnost do slobode: analiza aktuelnih propisa i praksi u FBiH u vezi s ekonomskim osnaživanjem žena koje su preživjele porodično nasilje i preporuke za njihovo poboljšanje”, autorica Jasmine Čaušević i Maide Zagorac.

“Akcioni zagovarački plan u oblasti ekonomskog osnaživanja žena pripadnica marginaliziranih grupa s posebnim fokusom na žene koje su preživjele porodično nasilje u Federaciji BiH Period 2020.-2024.”, autorice Maide Zagorac.

“Aktivizmi s margini: procjena kapaciteta deset odabranih ženskih organizacija”, autorica Zlatiborke Popov Momčinović i Amile Ždralović.

“Integracija rodne perspektive u zaštitu i spašavanje i smanjenje rizika od katastrofa - Analiza i Check-lista za uvođenje principa rodne ravnopravnosti u djelokrug rada institucija zaštite i spašavanja u Bosni i Hercegovini”, autorica Medine Mujić, Vedrane Frašto i Vildane Džekman.

“Politička participacija žena u BiH: Opći izbori 2018.”, autorice Medine Mujić.

“Pozicija, uključenost i prava žena koje pripadaju manjinskim i marginaliziranim grupama u Bosni i Hercegovini”, autorica Emine Bošnjak i Aide Malkić.

“Omaž BiH ženama od značaja i njihovim dostignućima” grupe autorica koje su pripremile tekstove.

NAGRADE I PRZNANJA



U 2019. godini postale smo dobitnice nekoliko nagrada i zahvalnica, od kojih izdvajamo: Srebrena pahuljica, Sloboda, Srebreno drvo IPC/SWF za humanizam i doprinos razvoju ljudskih prava u BiH koje su se dodjeljivale u sklopu Sarajevske zime, nagrada za CFD projekat u Madridu za pozitivan primjer prakse rada na temu "Rodno zasnovano nasilje, nasilje u vezama mladih: Pogled iz drugog ugla", timska zahvalnica za kontinuiranu podršku za realizaciju Race for the cure od Think pink-a, zahvalnica od Srednje škole primijenjenih umjetnosti u Sarajevu za doprinos njihovim aktivnostima te za realizaciju radionica; zahvalnica od SHL-a (Schüler Helfen Leben) za doprinos Akademiji za mlade liderе u civilnom društву. Posebno ističemo da je direktorica Fondacije CURE Jadranka Miličević dobila nagradu Snaga izvrsnosti u kategoriji Društveni angažman od Udruženja poslovnih žena BiH i magazina Gracija za 2019.

MEDIJSKA VIDLJIVOST

U 2019. godini Fondacija CURE je imala 271 medijskih pojavljivanja. U elektronskim medijima registrovano je oko 14 sati emitovanja na 20 različitih TV i radio stanica, odnosno 80 TV i radio gostovanja i 177 objavljenih vijesti u online medijima. U štampanim medijima smo dokumentovale 14 objavljenih članaka, ali to nije konačan broj, nego onaj koji smo uspjeli registrovati.

SOCIJALNE MREŽE:

Facebook fan page Fondacija CURE/CURE Foundation ima 4567 lajkova (like) i 4732 pratitelja/pratiteljke, PitchWise fan page ima 2200 lajkova i 2232 pratitelja/ke, dok Ženska mreža Bosne i Hercegovine ima 3060 lajkova i 3129 pratitelja/ki. Tim Fondacije CURE na društvenim mrežama svakodnevno objavljuje informacije o ženskim pravima u BiH i u svijetu, obaveštava svoje pratitelje/ke o aktivnostima, dostavlja informacije koje se tiču aktivističkih akcija, feminizma, te promoviše različite vijesti i aktivnosti u Bosni i Hercegovini, regiji i svijetu.

WEB STRANICA FONDACIJE CURE:

Naša online statistika na stranici www.fondacijacure.org u 2019. godini pokazuje 5000 posjeta sa različitih IP adresa, a registrovale smo i 7586 pročitanih vijesti koje smo objavljivale. Fondacija CURE administrira i web stranicu Ženske mreže Bosne i Hercegovine - na www.zenskamreza.ba objavljeno je 67 tekstova/vijesti na lokalnom jeziku i četiri na engleskom jeziku.

Zabilježeno je 26 311 pregleda i jedinstveni pregled stranica u iznosu od 23 394.

Najviše posjetilaca je iz Bosne i Hercegovine i to 80%, zatim iz Hrvatske, Njemačke, SAD-a itd.

ONLINE KAMPANJE:

U 2019. godini organizovale smo nekoliko online kampanja od kojih bismo izdvojile kampanju:

#staucimouskolskimklupama #ucenasdiskriminaciji #knjigeizkojihucimo

Kroz promociju stripova imale smo 78.766 pregleda. Fondacija CURE je u sklopu projekta "Rodno uvjetovano nasilje: Pogled iz drugog ugla – Nasilje u vezama mladih" uz podršku Francuske ambasade kreirala online kampanju pod nazivom:

"Humoristične strip ilustracije o stereotipima u školskim udžbenicima".

Ukupno je kreirano 12 stripova/ilustracija koje su se dijelile na društvenim mrežama Fondacije CURE. Pored ove, imale smo i kampanju "Ženska prava – Agenda za pozitivne promjene" koju je vidjelo preko 100 000 osoba.



Inicijativa za afirmativne izmjene i dopune školskih udžbenika za osnovne i srednje škole u Kantunu Sarajevo
#staucimouskolskimklupama #knjigeizkojihucimo
#ucenasdiskriminaciji



Inicijativa za afirmativne izmjene i dopune školskih udžbenika za osnovne i srednje škole u Kantunu Sarajevo
#staucimouskolskimklupama #knjigeizkojihucimo
#ucenasdiskriminaciji

MEĐUNARODNI IZVJEŠTAJI

U 2019. godini Fondacija CURE je učestvovala u izradi Specijalnog dodatka u vezi ključnih pitanja u okviru CEDAW Alternativnog izvještaja koji je predstavljen UN CEDAW komitetu na posebnoj sjednici održanoj u oktobru 2019.godine u Ženevi. Kao članice delegacije bosanskohercegovačkih braniteljica ženskih prava, članice Fondacije CURE su prisustovale sjednicama UN CEDAW komiteta i aktivno zagovarale unaprjeđenje položaja žena i djevojčica u BiH.

DONATORKE I DONATORI:

Kvinna till Kvinna, Women's World Day of Prayer, Fondacija TRAG/Fondacija OAK, Die Feministische Friedensorganisation CFD, Friedrich Ebert Stiftung, Heinrich Böll Stiftung BiH, IS COS Emilia Romagna - The Trade Unions Institute for Development Co-operation, ASTRAEA-Lesbian Foundation for Justice, Američka ambasada Sarajevo, Državni sekretarijat SAD-a, Mediterranean Women's Fund, Heart and Hand Fund, općina Centar Sarajevo

Fondacija CURE želi da se zahvali svima vama – prijateljicama i prijateljima iz Bosne i Hercegovine i cijelog svijeta na vašoj kontinuiranoj pažnji, podršci i prijateljstvu koje nam bezrezervno pružate sve ove godine.

Fondacija CURE media:

Web: www.fondacijacure.org

Instagram: @fondacijacure

Twitter: @Fondacija_CURE

Facebook: fondacijacure

YouTube: Fondacija CURE

